

Valur Sveinsson,  
Eigna- og skipulagsfulltrúi  
Hafnargötu 2  
730 Fjarðabyggð



UMHVERFISSTOFNUN

Reykjavík, 7. desember 2012  
Tilvísun: UST20121000122/ksj

## Deiliskipulag Norðfjarðarvegar og nágrennis að gangnamunna á Eskifirði. Skipulags- og matslýsing

Vísað er til erindis eigna- og skipulagsfulltrúa Fjarðabyggðar er barst 19. október sl. þar sem óskað er umsagnar Umhverfisstofnunar um skipulags- og matslýsingu vegna deiliskipulags nýs vegar er nær frá gangnamunna Norðfjarðargangna Eskifjarðarmegin að Hólmaströnd sem er sunnan Eskifjarðar.

Veghlutinn sem er til umfjöllunar í skipulagslýsingu að deiliskipulagi er 2 km langur og byrjar yst sunnanmegin í firðinum og fer þar yfir leirur á stuttum kafla. Veglínan liggur við golfvöll og varavatnsból Eskfirðinga og endar innst í gangnamunna norðanmegin í Eskifjarðardal. Vegurinn mun þvera Eskifjarðará og eru veiðiréttindi í ánni.

### Efni og umfang deiliskipulags

Deiliskipulagssvæðið er 119 ha að stærð, og mun deiliskipulagið taka á eftirfarandi þáttum: Lega Norðfjarðarvegar, stígum og áningarstöðum. Nýrri vegtengingu og núverandi golfvallarsvæði í botni Eskifjarðar. Efnislosunarsvæði vestan gangnamunnans þar sem fyrirhugað er að haugsetja 120 – 230 þús. rúmmetra af efni.

### Staðhættir og umhverfisaðstæður

Í umfjöllun um staðhætti og umhverfisaðstæður kemur fram að víða eru ófrágengin efnistökusvæði á svæði því er deiliskipulagstillagan nær yfir og nærliggjandi svæðum. Að mati Umhverfisstofnunar er mikilvægt að efni sem haugsett verður á efnislosunarsvæði vestan gangnamunnans verði nýtt á vegum sveitarfélagsins sem gefur þá tækifæri til að ganga frá framangreindum ófrágengnum efnistökusvæðum innan sveitarfélagsins.

### Lýsing leiðar

Í lýsingu leiðar kemur fram að veglínan liggur í fjöru og út í sjó, um sand – og malarkenndar leirur í botni Eskifjarðar, flæðileirur við ósa Eskifjarðarár og einnig liggur veglínan um

misblautar hallamýrar. Að mati Umhverfisstofnunar er mikilvægt að í umhverfisskýrslu komi fram rökstuðningur fyrir staðsetningu á svæðum er falla undir 37. gr. laga nr. 44/1999 og einnig er mikilvægt að fram komi hvernig besta leið fyrir veglínu er fundin á ofangreindum náttúruminjasvæðum.

Virðingarfyllst

*A. B. Guttormsdóttir*

Aðalbjörg B Guttormsdóttir

Deildarstjóri

*Kristín S. Jónsdóttir*

Kristín S Jónsdóttir

Sérfræðingur

Skipulagsstofnun